



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Q. 2. Quale peccatum est Blasphemia.

**urn:nbn:de:hbz:466:1-40986**

directè opponitur, alia est cordis, seu merè interna: alia oris seu merè externa, quæ verbis, vel aliis signis externis exprimitur.

*Ita S. Thom. q. 14. a. 1.*

Q. 2. *Quale peccatum est blasphemia?*

*Resp.* Omnis blasphemia est per se peccatum mortale, nec admittit levitatem materialę; quia quaelibet Dei contumelia, vel maledictio est gravis injuria, & contemptus Dei, cùm per eam infinita Dei maiestas positivè deprimatur, & dedecoretur. *Nihil horribilium blasphemiarum, quæ ponit in excelsum os suum.* ait S. Hieron. l. 7. in Isa. c. 18. hinc illud Ps. 36. *maledicentes ei disperibunt.* Et in lege veteri morte puniebatur Levit. 24. qui *blasphemaverit nomen Domini, morte moriatur.*

*Not.* 1. Ad mortalem blasphemiam non requiritur intentio expressa, ac formalis Deum inhonorandi: sed virtualis, & interpretativa sufficit, nempe cùm quis liberè profert ea, quæ ex propria significazione, vel communi apprehensione, & ex modo proferendi, aliisve circumstantiis Dei inhonorationem continent. licet id fiat sine ullo pravo in Deum affectu, sed ex joco, vel ad iram, aut indignationem exprimendam; quia hæc per se tendit in gravem Dei inhonorationem: & re ipsa gravis est irreverentia, & inhonoratio Dei assumere  
ver-

verba, ei contumeliosa, ad jocum, vel iram exprimendam : gravior tamen injuria es-  
set, si hoc fieret ex directa intentione De-  
um inhonorandi, vel ex animo in Deum  
irato: & tunc s̄epe conjungitur cum odio  
falsum abominationis in Deum.

*Not.* 2. Blasphemia Hæreticalis, & im-  
precativa debent declarari ut plura pecca-  
ta specie diversa ; nam prior præter irre-  
ligiositatem, seu contumeliam Dei, conti-  
net malitiam hæresis, si adsit assensus inter-  
nus, vel si defit, negationis externæ Fidei  
contra præceptum confitendi fidem. Po-  
sterior verò malitiam odii Dei contra cha-  
ritatem Dei. Item blasphemiarum prolatæ  
contra Sanctos differunt specie ab iis, quæ  
proferuntur contra solum Deum ; nam ir-  
reverentia, quæ fit contra aliquem San-  
ctum , semper habet duplēm malitiam:  
unam contra duliam, quæ inclinat ad co-  
lendum Sanctos propter eorum excellen-  
tiā supernaturalem creatam; & alteram  
contra virtutem Religionis, quæ præcipit  
cultum Dei propter excellentiam increa-  
tam Dei; ex illa enim irreverentia in San-  
ctos redundat irreverentia in ipsum Deum,  
propter peculiarem conjunctionem, quam  
habet cum Sanctis. Et licet non intenda-  
tur irreverentia Dei, sufficit tamen indi-  
recta volitio ad contrahendam malitiam.  
Imò blasphemiarum contra B. V. differunt spe-  
cie ab iis, quæ proferuntur contra alios

San-

Sanctos, cùm hyperdulia, qua colitur Dei Mater, specie differat à dulia, qua colum-  
tur alii Sancti, propter diversitatem maxi-  
mam excellentiæ, in qua fundatur cultus  
Dei paræ. Blasphemias verò in alios San-  
ctos omnes pertinent ad eandem speciem,  
cùm sint omnes contra duliam. *Ita de  
Lugo.*

*Not. 3.* Qui habet consuetudinem bla-  
phemias proferendi, vel sibi, aut aliis dæ-  
monem, aut grave malum imprecandi, te-  
netur sub mortali efficaciter proponere, &  
seriò conari eam evellere. Alioqui toti-  
es peccat, quoties ad eam advertens id  
omittit; quia vult saltem interpretativè  
permanere in morali periculo peccandi,  
cùm pravus habitus ad similes actus vehe-  
menter pertrahat, & pariat necessitatem  
moralem peccandi. Et quandiu eam con-  
suetudinem non retractat, nec curat emen-  
dere, imputantur ei ad culpam mortalem  
blasphemias omnes, quas ex ira aliqua, aut  
alio passionis motu, etsi sine advertentia  
ad verborum sensum profert. *Ita Tolet.  
de Lugo, Sanchez, & alii multi.* quia sunt  
sufficienter voluntariæ, ac liberæ in causa  
non retractata, & quam emendare non cu-  
rat. Quòd si contritione elicita quis in-  
terim, dum diligenter curat illum habitum  
extirpare, subinde labitur ex inadvertentia,  
& non ex negligentia, excusat à culpa:  
quia blasphemias illæ, impetu naturali ef-  
fusæ,

fusæ, non sunt voluntariæ nec in se, nec in sua causa, cùm consuetudo, uti supponitur, efficaciter retractata sit, & eam, quantum potest, emendare conetur. *Quicumque verò blasphemantem audierint, eum verbis acriter objurgare teneatur, si citra periculum suum id fieri posse contingat, eundemque deferre, vel notificare apud judicem Ecclesiasticum, seu Secularem intra triduum debent.* ait Leo X. in Conc. Later. s. sess. 9.

*Not. 4.* Appellatio nominis Dei, vel Jesu, vel Sanctorum, per modum loquendi, non tamen contumeliæ, ut *O Jesu! Deus bone!* &c. Licet non sit blasphemia, est tamen vana usurpatio nominis Dei, & culpa venialis contra Religionem. Nam Sanctum, & terribile nomen Domini usurpare sine reverentia, ac pietate, sed tanquam modum loquendi, est habere illud tanquam aliquid profanum, ideoque est irreverentia. Unde prohibetur Eccli. 23. *Nominatio Dei non sit assidua in ore tuo, & nominibus Sanctorum non admiscearis: quoniam non eris immunis ab eis.* id est à peccato irreverentiae contra eos.

*Not. 5.* Assidua nominatio dæmonis, licet sine imprecatione, sed per modum loquendi, cùm Christianum non deceat, omnino vitanda est; & ratione scandali potest esse grave peccatum, ut notat Layman.

Q. 3